



鹽法考卷之十五

福建

水口分司屬福州府古田縣黃崎分司
福安縣俱本省所轄與淮浙共為島貢

歷代沿革



閩倚海為國煮海之利視淮固至渺即較浙與粵亦甚不侔其域北抵浙江西抵江西廣東而東南濱海諸地則皆其民竊魚鹽之利以自給者也且鹽不他售其下四州曰福曰泉曰漳曰化大海為疆則產鹽之區也上四州曰建曰延曰汀曰邵羣山是宸則行鹽之界也唐有候官監至宋則置長清場於福州歲

黃鹽伍百壹萬伍千壹百餘斤上四州行官賣鹽法

逐斤而定價每斤為錢四下四州行產鹽法隨稅而納鹽

何以歷年久而不能無弊也下四州隨產納鹽其弊每產壹文以上至貳拾

文皆納鹽伍斤而胥吏交納錢數又倍之乃其時上四州官賣價高下四

州黃鹽價賤故盜賣者多熙寧間措置福巖者復為

之請減上四州鹽價募上戶設舖官給券定月令所

賣從官場買之民既易得鹽而私販者亦不能規厚

利似為得之熙寧中蹇周輔措置福建鹽以上四州鹽價若高故下四州多私販請減建延

等四郡鹽價募上戶為舖戶官給券定月所賣從官場買之如是則鹽易得而私販者無厚利而自息矣

嘉定間泉福漳化四州交納錢數自貳拾文以下納

鹽伍斤者盡行蠲免尤不失恤民裕商之遺意焉宋嘉

定中臣僚又言福州漳州泉州興化四郡隨產納鹽州縣苛取自貳拾文以下亦納鹽伍斤者并行蠲免

元至元拾叁年始收閩課為鹽陸千伍拾伍引至大

元年增至拾叁萬引至正貳年令客商通行鹽課始

自至元拾叁年見在鹽按引定鈔大德捌年罷運司

併入宣慰司恢辦至大肆年旋復置運司引目一以

至大元年為定上四州仍從各商與販而福興漳泉

四路則抑配民食在在告困繼幸餘鹽蠲免派散停

罷聽商八路通行而悉索莫給之瘠民始得免於逃

移矣明初七場歲辦大引鹽壹拾萬肆千叁百肆拾

引貳百陸拾肆斤此洪武年間原額也每引肆百斤

潯美兩州三場共伍萬陸千捌百捌拾叁引零惠安一場柒千叁百伍拾貳引零

上里海口牛田三場依山鹽叁萬叁千伍百伍拾肆引貳拾玖斤零附海鹽

陸千伍百伍拾引零其輸轉則都運總其政凡有

興草徑上之臺使者其課自洪武而下盈誣亦未有

成例其鹽有本折之分又有起存之別附海者為本色辦鹽給商

依山者為折色納銀充餉其上里海口牛田三場鹽戶依山者居

八皆照例折色佐邊而附海者居二則歲輸本色聽

商支中上里海口牛田三場依山鹽戶居八附海鹽

每引銀貳錢伍分正德肆年議准將依山鹽改徵折色

折貳小引每引貳百斤納銀叁錢就於本省招商中

賣不必邊方開中年終潯兩浯三場屬泉郡地者則

同依山徵價解部濟邊

照引折米按米折銀貯之泉帑以給軍而惠安一場

亦全准折色正德拾叁年潯兩浯三場准全折每引

折米壹斗派納泉州府附近永寧衛并

福泉金門等所倉聽給官軍月糧嘉靖玖年將本色

課米每石折銀伍錢修倉銀叁分貯庫支放惠安場

弘治拾陸年御史陶照題准全折每引徵銀

柒分共銀伍百壹拾肆兩伍錢解部濟邊其引每

三年一請之大農共叁萬柒千伍百陸拾伍道派給

東西南三路各商運銷東路派叁千伍百柒拾道每

年該壹千壹百玖拾道南路

派柒百柒拾道每年該貳百伍拾陸道零西路參萬
參千貳百貳拾伍道每年該壹萬壹千柒拾伍道

至嘉靖年間則以貳萬貳千貳百兩壹錢為歲額西

路年行伍幫每幫行引貳千貳百壹拾伍道共課銀

捌千玖百捌拾參兩玖錢貳分玖厘貳毫伍絲每年

共行引壹萬壹千柒拾伍道每引引價銀參錢共銀

參千參百貳拾貳兩伍錢每引餘價銀肆錢共銀肆

千肆百參拾兩每引加課銀壹錢伍分伍厘共銀捌

百參拾兩陸錢貳分伍厘每引牙稅銀參分陸厘壹

毫玖絲共銀肆百兩東路年行參拾肆幫每幫行引

捌錢肆厘貳毫伍絲參拾伍道共課銀貳千伍百壹拾玖兩貳錢陸分捌

厘捌毫捌絲柒忽捌微每年行引壹千壹百玖拾道

伍拾柒兩每引餘價銀捌錢共銀玖百伍拾貳兩每

引牙稅銀壹錢貳厘共銀壹百貳拾壹兩參錢捌分

每引加課銀玖錢壹分伍厘參南路年行肆幫半每

絲共銀壹千捌拾捌兩捌錢零幫行引伍拾伍道共課銀貳百玖拾捌兩壹錢肆分

玖厘參毫每年行引貳百伍拾陸道零每引引價銀

柒拾柒兩每引餘價銀捌錢積參年之零共有貳引每年共該銀

每年共該銀貳百伍兩參錢參分參厘參毫每引牙

稅銀陸分壹厘陸毫零共又東路細鹽銀貳百兩合

銀拾伍兩捌錢壹分陸厘之七場折價積餘共如前額云

錢肆分柒厘肆毫參絲柒忽捌微又東路細鹽銀貳

百兩上里場年額鹽折銀肆千貳兩壹錢伍分伍厘
參毫海口場年額鹽折銀貳千貳百參拾壹兩柒錢
肆分玖厘伍絲牛田場年額鹽折銀貳千貳百貳拾

陸兩玖錢玖分肆厘玖毫惠安場年額鹽折銀伍百
壹拾肆兩陸錢伍分通共銀貳萬玖百柒拾陸兩捌
錢玖分陸厘陸毫捌絲柒忽捌微尚缺銀壹千貳百
貳拾叁兩貳錢零係開依山引積餘奏解共足前額
至於西路先因嘉靖年間倭患引壅不行積至拾柒
萬令歲行陸幫每幫行引肆千道附銷積引至萬曆
貳拾伍年積引已盡商人復請開山引以佐之然依
山原係折色無引可徵於是除引價壹錢俾其下場
自買而私販者借公恣行蠹法實甚也乃參拾叁年
復代之以票弊尤極矣肆拾貳年鹽法副使李思誠
以為從前補苴之計不獨行票為一時之假借并依

山亦不得已之權宜不獨依山難於再開而行票尤
宜速革固有酌乎時勢之宜參於盈虛之數引則議
增幫則議減蓋每年仍定以伍幫為準

誠條議云自後畫一之規

依山實難再開行票尤當速革則引與幫不可不議
也原引不足何如增引為便增之高不稱病增亦何
傷且陸幫之期例限之以伍拾日由鹽場而至南臺
則海路風濤難測由南臺而至水口則山河漲涸不
常而水客不時至價值不相當陸幫終苦難行督責
甚嚴資本半耗陸幫稱困何如減幫為便減之而課
不稱病減亦何傷合無參酌於盈虛每年定為伍幫
而附海引目原額之外參年共增引貳萬陸千柒百
柒拾伍道每次請引俱照此例是雖減壹幫之鹽而
實增半倍之課也仍展幫限為柒拾日猝有風濤漲
涸之虞榜人可以减少停徐議投行兌客之情實遷可
以不困是雖增二幫之課而實省一幫之擾公私固

永遠可
遵也

按臣徐鑒因疏其議上聞部議以先年止是

西路水口一港行鹽自後開設黃崎分公司疏通東南

二港行發益廣欲於增引之外復加肆千仍限陸幫

則以為經久而可行也

時本部郎中表世振言於署部事左侍郎李汝華曰閩鹽

與各路異各運引日常壅於有餘閩引常病不足先
年西路止是水口一司自開設黃崎分公司以來疏通
東南二港行發益廣而猶仍初制甚不可解先年鄧
鍊修舉鹽法除東南二港外西路水口分公司歲限陸
幫幫行引肆千道能充足者優叙不足者查叅又歷
查商鹽正課中東南二路歲賣鹽貳拾肆伍船水口
分公司務賣捌幫以上數現疏中改造牛樣二船牛船
每隻歲加貳百伍拾伍引樣船每隻歲加至壹千貳
拾伍引夔一清疏中每船加課柒拾兩劉應龍疏中
先限陸幫後數月驟至捌幫惟徐兆魁疏中曾限伍

幫矣蓋謂引缺難以繼幫故運司議將原限陸幫改
賣伍幫其實印票之添足者不知幾何矣今酌中定
議似乎陸幫經久可行每年只再加引肆千道耳惟
私禁稍嚴私票盡革固綽綽乎行之有餘矣華然之
即如議乃撫臣袁一驥按臣李凌雲先後上言謂前
具覆

按臣請增引而并以減幫今部議欲於加外再加以

足陸幫之數討今昔之故審商竈之情往時缺引止

借依山以行而不請增附海者為無鹽耳今若增引

必做行前例庶商竈不病若額外增鹽貧竈奚堪且

往時趨幫商鹽賤直覆本若再加引肆千道則又期

促難完部可其議如前御史之請幫則減伍引則貳

萬於是合舊額新增歲共課銀貳萬玖千肆百叁拾

玖兩玖錢柒分零皆歲解太倉以充舊餉時萬曆肆拾肆年也

歲增解部銀柒千貳百叁拾玖兩零合新舊共銀貳萬玖千肆百叁拾玖兩零又滴珠銀貳百玖拾肆兩零

天啟元年遼餉不敷議加天下鹽課部採郎中楊

嗣昌議謂宜兼行加引加課二法惟西路歲增伍千

引比前議則又多四分之一矣陸年又增福建運司

大工銀每引額以陸分至崇禎參年則竟不復去而

改充遼餉矣是年按臣羅元賓復有加增鹽餉之議

西路則鹽與課并加

西路新舊二商歲行伍幫每幫商拾貳名半每名原止鹽貳拾

貳萬斤除幫封窩餉係天啟年間續加亦未加鹽原

止納解京引價餘價牙稅加課銀參百柒拾餘兩今

議每名加鹽貳萬貳千斤每海船壹隻於梢水宿艙

裝鹽壹萬壹千斤船貳隻共裝貳萬貳千斤加課參

拾兩歲行伍幫可得東路則加課而不加鹽東路濱

壹千捌百柒拾伍兩海價賤

而行鹽之地有限今議亦以什一之數派增每幫只

願加課陸兩年行參拾肆幫共計加課貳百零肆兩

兼漳州西北二溪之包鹽議加俱有差等北溪年行鹽貳萬伍

百包每包重參百斤今加參拾斤稅銀壹分西溪年

行鹽壹萬參千包每包亦重參百斤為利頗微議加

鹽參拾斤稅銀陸厘參毫總計閩離歲入充舊餉者

貳萬玖千柒百叁拾肆兩零充新餉者貳萬玖百捌

拾捌兩零通共伍萬柒百貳拾叁兩零乃內窩餉伍

千實屬無名次年按臣路振飛因力以為言始得寢

除夫閩壤背山面海產鹽之地浮於食鹽之人初時

因地作貢歲徵不滿萬金專充兵需至嘉靖年間始定歲解其所輸者曰引價曰加引價曰餘價曰加課曰細鹽課曰灣課曰認課曰折課迨後正供旁課疊加至伍萬兩有奇况行鹽之地西路惟是上四州而汀郡又因南贛軍興借行廣鹽計福巖之行止三郡耳乃三郡中嶺屹屹峙溪流漂疾水客之至者每不以時而私販奸氓益因緣以居奇莫可禁遏至東南二路則尤其微焉者也不有以深計之而縣官之儲抑奚充焉

司巖官制

都轉運鹽使司行道臣事運使壹員

駐劄省城總理通省鹽務通商足課

皆其職掌

水口分司運同壹員

駐劄水口專管西路幫鹽督徵海口

牛田二場鹽折

黃崎分司運副壹員

原駐黃崎專管東路幫鹽今黃崎地

方遷徙移駐省城督徵東路高課並上里場鹽折

經歷壹員

知事壹員

查舊有運判壹員駐劄南臺專管南路幫鹽明季已
裁其南港鹽務隨令本司經歷知事各輪專管後又
改隨堂兼攝

本朝康熙參年責令運司經歷行銷南路額引續於康熙
陸年玖月內部議令閩縣候官縣分銷南路額引閩
縣捌拾道候官縣壹百貳拾道

竹崎批驗所大使壹員 今仍駐竹崎

閩安鎮批驗所大使壹員 本鎮遷徙今移駐營前地

上里場大使壹員 駐劄涵江

海口場大使壹員 原駐海口堡今地方遷徙移駐福清縣

牛田場大使壹員 原駐牛宅今地方遷徙移駐福清縣

潯涵浯惠肆場場各大使壹員 明萬曆拾柒年

裁革將潯涵貳場歸併晉江縣浯州場歸併同安縣惠安場歸併惠安縣

潯涵浯叁場鹽折課銀係泉防廳督徵

惠安場鹽折課銀係惠安縣督徵

漳州府歲額鹽包銀係漳州府督徵兼理鹽務

鹽場遷存

海口場原共壹拾壹團內除附倉團赤下團潯頭團前
港團共肆團係依山納折團分原無晒鹽埕地本場
只有晒鹽柒團內留復晒伍團赤上團白沙團祀店
團王祥團洪淡團遷棄貳團乃東村團後港團
牛田場原共陸團內留復晒貳團南團浦西團遷棄肆
團乃東西團港東團北團黃赤團

上里場原共叁拾壹團內除富盈下團富盈廣衍下團
廣衍永濟下團永寧前團永寧中團伍團係依山納

折團分原無晒鹽埕地本場只有晒鹽貳拾陸團內
留復晒壹拾叁團天地團地元團洪荒團辰辰團辰
宿團宿列團列張團張寒團寒字上團寒字下團來
西上團來西下團來西東團遷棄壹拾叁團乃富盈
上團富盈廣衍上團廣衍永濟上團正永濟團豐實
團永寧拾竈團永寧捌竈團永豐團盈昃團洪荒日
月團正日月團日月盈團盈字團

惠安場共伍團西湖前坂團庭邊喬浦下洋東團下洋
西柯攏林內團上倉坂西團下倉下坂團俱遷界外

潯美場原共壹拾玖垵內留復晒壹拾叁垵潯美垵安
下垵前索東垵前索西垵青石垵徑山下滿垵癖兜
垵溪浦垵岑頭垵大南垵大北垵西岑垵沙美垵遷
棄陸垵乃呈前垵阜通垵阜通東垵西垵南垵北垵
涪州場共壹拾垵永安垵官鎮垵田墩垵沙美垵浦頭
垵斗門垵南垵保林垵東沙垵列嶼垵俱遷界外
泗州場共陸垵東垵西舊垵西新垵新市垵蔡埭垵團
頭垵俱遷界外

福建引目

一西路歲額行引貳萬道

查舊例每引原重陸百零壹斤肆兩至明末天啓崇
禎年間加課每引加至壹千叁百伍拾斤我

朝一切浮課俱減其斤重照萬曆年間例仍以陸百零壹
斤肆兩為壹引後因部頒引票開註每引陸百斤至
今遂以陸百斤為額但舊例年行伍幫每幫拾號每
號肆百引原定柒拾貳日為期年銷貳萬道今議幫
多鹽壅難行應改為肆幫每幫以玖拾日為期行引
伍千道雖行肆幫仍銷伍幫之引不失貳萬道原額

一東路歲額行引壹千壹百玖拾引

照舊例每引陸千斤內參港年行貳拾捌幫每幫壹封銷引參拾伍道外伍港年行伍幫共銷引陸封共足前數

一南路歲額行引貳百引

照舊例每引鹽肆千捌拾斤年行捌幫每幫銷引貳拾伍道

一永福港歲額行引伍拾伍引

照舊例每引鹽肆千捌拾斤

以上通省每歲共行鹽貳萬壹千肆百肆拾伍引以為定額

查明季舊例福建運司所屬上里海口牛田惠安潯

美泔州浯州菜場額辦本折色鹽共壹拾萬伍千參

百肆拾引貳百陸拾伍斤捌兩玖錢每鹽壹引計肆

百斤內上海牛參場附海諸辦戶納本色鹽陸千貳

百陸拾引參百玖拾壹斤陸兩肆錢捌分陸厘又參

場依山買辦戶原辦本色後改折色鹽參萬參千捌

百肆拾參引貳百參拾捌斤參兩陸錢壹分肆厘惠

安場折銀鹽柒千叁百伍拾貳引肆拾捌斤拾兩捌
錢潯炳浯叁場折米鹽伍萬柒千捌百捌拾叁引叁
百捌拾柒斤肆兩共計折色鹽引玖萬玖千柒拾玖
引貳百柒拾肆斤零俱折銀照納其上海牛叁場附
海本色鹽陸千貳百陸拾引叁百玖拾壹斤零每壹
大引肆百斤折小引貳引每引貳百斤通年場官徵
鹽入厰每叁年壹次題奉勸合請刷附海部引叁萬
柒千伍百陸拾伍道召商開中每引壹道商納引價
叁錢續於萬曆肆拾貳年加引貳萬陸千柒百柒拾

伍道共引陸萬肆千叁百肆拾道叁年分派每年該
新舊引貳萬壹千肆百肆拾柒道內南路原係貳百
零貳道續止派行貳百道故該貳萬壹千肆百肆拾
伍道內有舊引壹萬貳千伍百貳拾壹引零係原額
本色鹽陸千貳百陸拾餘引內以壹折貳之數例應
派支本色其餘捌千玖百貳拾肆引零係續加貳萬
陸千柒百柒拾伍引內叁年分派之數無派支本色
之例乃各商用價赴場對竈買足納課行銷

本朝見行引額俱照舊例至折色鹽引玖萬玖千柒拾玖

引貳百柒拾肆斤零亦照舊例按引折銀此係竈戶
辦納丁地鹽折銀兩之引非赴部關領行鹽之引也

正課額例

一西路歲額本色鹽正課銀貳萬貳千柒百玖兩叁分
捌厘計貳萬引派徵每引應徵銀壹兩壹錢叁分伍
厘肆毫伍絲壹忽玖微

查明萬曆年間西路額引貳萬道每年行鹽伍幫每
幫拾商每商銷引肆百道納引價餘價牙稅加課銀
叁百陸拾捌兩肆錢柒分陸厘計伍拾幫每年共納

正課銀壹萬捌千肆百貳拾叁兩捌錢滴珠銀壹百
捌拾肆兩貳錢叁分捌厘應納幫封銀除存留銀壹
千兩實起解銀肆千兩又大田縣認課并滴珠共銀

壹百壹兩今不准認課食私應在西商名下勻納以
上通共正課銀貳萬貳千柒百玖兩叁分捌厘今仍
照舊額徵收惟照伍幫派課者今改為肆幫派課

一東路歲額本色鹽正課銀貳千伍百壹拾壹兩叁錢
伍分肆毫陸絲伍忽陸微計壹千壹百玖拾引派徵
每引應徵銀貳兩壹錢壹分叁毫柒絲捌忽伍微肆纖叁沙

查明萬曆年間東路額引壹千壹百玖拾道每年行
鹽叁拾叁幫內叁港貳拾捌幫每幫壹商銷引壹封
每封叁拾伍道納引價牙稅加課銀柒拾伍兩肆錢
叁厘叁毫叁絲叁忽叁微計貳拾捌幫每年共納正
價銀貳千壹百壹拾壹兩貳錢玖分叁厘叁毫叁絲
貳忽肆微滴珠銀壹拾壹兩柒錢柒分玖厘陸毫外
伍港伍幫每幫壹商共銷引陸封每封叁拾伍道納
引價餘價牙稅加課銀陸拾肆兩貳錢玖分貳厘貳
毫貳絲貳忽貳微每年共納正價銀叁百捌拾伍兩

柒錢伍分叁厘叁毫叁絲叁忽貳微滴珠銀貳兩伍
錢貳分肆厘貳毫

一南路歲額本色鹽正課銀伍百壹拾陸兩貳錢壹分
伍厘肆絲計貳百引派徵每引應徵銀貳兩伍錢捌
分壹厘捌絲

查明季萬曆年間南路額引貳百道每年行鹽捌幫
每幫銷引貳拾伍道納引價餘價牙稅銀陸拾叁兩
捌錢捌分捌厘每年共納正價銀伍百壹拾壹兩壹
錢肆厘滴珠銀伍兩壹錢壹分壹厘肆絲今仍其額

一永福港歲額徵引價餘價牙稅銀陸拾叁兩捌錢捌分捌厘滴珠銀陸錢叁分捌厘捌絲計伍拾伍引派徵

今仍照舊例

一東路歲額細鹽正課銀貳百兩滴珠銀貳兩

查細鹽原共拾肆場坐落福寧州羅源寧德貳縣於順治拾捌年原場遷徙界外商竈俱亡課額無徵該撫題明令羅源寧德貳縣福寧州各行鹽牙舖認納前課

一陸灣歲額課銀叁百捌拾叁兩叁錢貳分捌厘滴珠銀叁兩捌錢叁分叁厘貳毫捌絲

查南路外港壺江北芟奇達定海六石連江陸灣漁戶每年每灣納課銀陸拾叁兩捌錢捌分捌厘其滴珠銀兩亦照銀分派此銀因順治拾捌年遷界無徵今歸於連江長樂閩縣等處照納

一漳屬歲額鹽包銀貳千叁百壹拾捌兩壹錢伍分

查明萬曆年間漳屬西北貳溪河商買漳浦詔安等處鹽坵開晒之鹽轉運龍溪海澄南靖長泰龍巖漳

平平和寧洋等捌縣散賣西溪每鹽壹包定價貳分
柒厘柒毫玖絲貳忽壹微陸纖捌渺肆塵每年行鹽
貳萬貳千貳百叁拾陸包共重陸百陸拾柒萬捌百
斤歲納餉銀陸百壹拾捌兩北溪每鹽壹包定價捌
分陸厘玖毫柒絲叁忽玖纖壹渺玖塵每年行鹽壹
萬玖千伍百肆拾捌包共重伍百捌拾陸萬肆千肆
百斤歲納餉銀壹千柒百兩壹錢伍分共貳千叁百
壹拾捌兩零舊係漳州府徵收徑解布政司彙入鹽
課起解

雜課額例

一裁解按差賚奏盤費等銀陸百陸拾玖兩貳錢

查西路幫封銀共伍千兩內除起解肆千兩外原存
留壹千兩為運司巡按衙門公費於順治柒年議留
叁百叁拾兩捌錢備運司造船修橋之費其巡按承
差賚奏盤費等銀陸百陸拾玖兩貳錢按差已裁故
解部充餉

一裁解水脚銀陸百貳拾貳兩伍錢叁分伍厘玖毫玖
絲貳忽伍微肆纖肆沙

查各路場水脚原額銀柒百壹拾陸兩肆錢柒分伍
厘壹毫陸絲壹忽內除遷徙無徵水脚銀共玖拾叁
兩玖錢叁分玖厘壹毫陸絲捌忽肆微伍纖陸沙
一裁扣巡撫操賞銀壹千兩

查舊例各路場有加餉牙行助餉銀共壹千兩原充
巡撫操賞今裁扣併入鹽課起解

一裁扣巡撫吏書廩給銀柒拾貳兩肆錢

查以前各項內有東路外伍港牙行助餉銀陸拾柒
兩伍錢陸分湊給巡撫吏書廩給又永福港充餉下

撥奏巡撫吏書銀陸兩捌錢肆分內除勻閏銀貳兩
外實給銀肆兩捌錢肆分今俱裁扣解部

一裁扣運司各官經費銀貳百兩

查西幫存留銀內題留運司修船造橋公用等銀叁
百叁拾兩捌錢內修船造橋每年動用銀貳百陸拾
兩玖錢貳分壹厘玖絲壹忽伍微餘銀陸拾玖兩捌
錢柒分捌厘玖毫捌忽伍微及各路場納經紀銀共
貳百壹拾兩壹錢貳分壹厘玖絲壹忽伍微二共銀
貳百捌拾兩原撥為運使等衙門心蔬公費於順治

拾肆年為始裁運使運同運副各員下蔬菜燭炭銀
共陸拾兩又裁修衙家伙銀捌拾兩又裁更換桌帟
銀陸拾兩參項共銀貳百兩解部留給運使心紅紙
張銀肆拾兩運同運副心紅紙張銀各貳拾兩共留
捌拾兩

一牙稅等銀改充兵餉銀肆拾貳兩

查捌港歲徵牙稅銀肆拾兩原充巡撫小賞於順治
拾伍年裁解兵餉又勻閩銀貳兩係永福港充餉項
下留用之銀今同牙稅一併起解

場課額例

一上里場歲徵折價銀肆千肆拾貳兩壹錢柒分陸厘
捌毫伍絲參忽除遷徙無徵銀壹千伍百陸拾兩捌
錢參分肆厘貳毫肆絲今實徵銀貳千肆百捌拾壹
兩參錢肆分貳厘陸毫壹絲參忽

查本場依山買辦戶鹽壹萬陸千捌引貳百肆拾捌
斤柒兩陸錢伍分貳厘每鹽壹引折銀貳錢伍分該
正價銀肆千貳兩壹錢伍分伍厘參毫滴珠銀肆拾
兩貳分壹厘伍毫伍絲參忽順治拾捌年題免遷徙

無徵銀壹千伍百陸拾兩捌錢叁分肆厘貳毫肆絲
一海口場歲徵折價銀貳千貳百伍拾肆兩陸分陸厘
伍毫肆絲伍微除遷徙無徵銀壹千叁百玖拾柒兩
柒錢玖分玖厘伍毫陸忽壹微肆纖玖渺今實徵銀
捌百伍拾陸兩貳錢陸分柒厘叁絲肆忽叁微伍纖
玖沙玖塵玖埃壹渺

查本場依山買辦戶鹽捌千玖百貳拾陸引叁百玖
拾柒斤壹拾肆兩陸錢伍分貳厘每鹽壹引折銀貳
錢伍分該正價銀貳千貳百叁拾壹兩柒錢肆分玖

厘伍絲滴珠銀貳拾貳兩叁錢壹分柒厘肆毫玖絲
伍微順治拾捌年題免遷徙無徵銀壹千叁百玖拾
柒兩柒錢玖分玖厘伍毫陸忽壹微肆纖玖渺

一牛田場歲徵折價銀貳千貳百肆拾玖兩貳錢陸分
肆厘捌毫肆絲玖忽除遷徙無徵銀壹千伍百玖拾
肆兩玖錢玖分柒厘貳毫伍絲肆忽叁纖陸渺今實
徵銀陸百伍拾肆兩貳錢陸分柒厘伍毫玖絲肆忽
玖微陸纖玖沙玖塵玖埃肆渺

查本場依山買辦戶鹽捌千玖百柒引叁百玖拾壹

斤壹拾叁兩叁錢伍分每鹽壹引折銀貳錢伍分該
正價銀貳千貳百貳拾陸兩玖錢玖分肆厘玖毫滴
珠銀貳拾貳兩貳錢陸分玖厘玖毫肆絲玖忽順治
拾捌年題免遷徙無徵銀壹千伍百玖拾肆兩玖錢
玖分柒厘貳毫伍絲肆忽叁纖陸渺

一惠安場歲徵折價銀伍百壹拾玖兩柒錢玖分陸厘
伍毫除遷徙無徵銀壹百玖拾兩貳錢玖分肆厘貳
毫玖絲捌忽今實徵銀叁百貳拾玖兩伍錢貳厘貳
毫貳忽

查本場額辦折銀鹽柒千叁百伍拾貳引肆拾捌斤
拾兩捌錢每鹽壹引折銀柒分該正價銀伍百壹拾
肆兩陸錢伍分滴珠銀伍兩壹錢肆分陸厘伍毫順
治拾捌年題免遷徙無徵銀壹百玖拾兩貳錢玖分
肆厘貳毫玖絲捌忽

一潯美場歲徵折米鹽銀壹千陸百捌拾兩伍錢捌分
叁厘叁毫伍絲除遷徙無徵銀叁百玖拾壹兩陸錢
叁分壹厘叁毫肆絲今實徵銀壹千貳百捌拾捌兩
玖錢伍分貳厘壹絲

查本場額辦折色折米鹽參萬參千陸百壹拾壹引
貳百陸拾陸斤壹拾貳兩每鹽壹引折米壹斗該米
參千參百陸拾壹石壹斗陸升陸合柒勺每米壹石
折銀伍錢故該前數順治拾捌年題免遷徙無徵銀
參百玖拾壹兩陸錢參分壹厘參毫肆絲

一 泗州場歲徵折米鹽銀肆百陸拾肆兩柒錢陸分玖
厘玖毫除遷徙無徵銀貳百貳拾玖兩肆錢柒厘壹
毫柒絲今實徵銀貳百參拾伍兩參錢陸分貳厘柒
毫參絲

查本場額辦折色折米鹽玖千貳百玖拾伍引壹百
伍拾玖斤捌兩每鹽壹引折米壹斗該米玖百貳拾
玖石伍斗參升玖合捌勺今每米壹石折銀伍錢故
該前數順治拾捌年題免遷徙無徵銀貳百貳拾玖
兩肆錢柒厘壹毫柒絲

一 涇州場歲徵折米鹽銀柒百肆拾捌兩捌錢肆分伍
厘壹毫伍絲除隔海無徵併遷徙無徵共銀陸百陸
拾柒兩陸錢壹分玖厘陸毫今實徵銀捌拾壹兩貳
錢貳分伍厘伍毫伍絲

查本場額辦折色折米鹽壹萬肆千玖百柒拾陸引
叁百陸拾壹斤每鹽壹引折米壹斗該米壹千肆百
玖拾柒石陸斗玖升叁勺今每米壹石折銀伍錢故
該前數順治拾伍年題免隔海無徵銀伍百柒兩柒
錢叁分叁厘陸毫拾捌年題免遷徙無徵銀壹百伍
拾玖兩捌錢捌分陸厘

以上潯涵浯叁場鹽折銀兩舊係存留解泉州府清
軍廳兌給永寧福全金門各衛所官軍月糧今無軍
衛併入起解

一新收惠安場文出鹽折銀貳拾兩貳錢壹分叁厘陸
毫壹絲柒忽伍微

康熙柒年據該撫送到運司冊開該縣奉文清丈有
竈戶新買界內民田肆拾壹頃貳拾伍畝貳分貳厘
柒毫柒絲該增鹽折之數

一新墾上里海口牛田潯涵浯等場界外田地起料鹽
折銀共貳拾陸兩叁錢肆分陸厘叁毫伍絲貳忽肆
微伍纖壹沙捌塵貳渺伍漠

康熙拾壹年福建巡撫劉秉政題報上里等柒場遷

界復展康熙玖年依山竈戶墾過田地壹拾貳項貳拾肆畝肆分肆厘陸毫玖絲柒忽柒微該徵鹽折銀壹拾貳兩伍分叁毫肆絲柒忽玖微伍織壹沙捌塵貳埃貳渺伍漠於拾貳年起科又康熙拾年依山竈戶墾過田地陸項伍拾壹畝捌分伍毫該徵鹽折銀壹拾肆兩貳錢玖分陸厘肆忽伍微於拾叁年起科以上正雜場課通共實徵銀叁萬柒千貳百捌拾捌兩伍分柒厘叁毫陸絲貳忽肆微貳織伍沙柒塵捌埃柒渺伍漠

額外雜課

一割沒銀兩

每年約貳千伍陸百兩不等原無定額

一私鹽銀兩

每年約柒捌百兩不等原無定額

一興化府莆田仙遊貳縣鹽稅銀貳百壹拾陸兩遇閏加銀拾捌兩

查向克巡撫操賞至順治拾叁年撥入兵餉附徵項

下

一莆田縣舊有坵船稅銀肆百肆拾捌兩柒錢玖分肆厘

查係沿河灣戶下海捕魚按船輸納充餉今遷界免徵

一北茭港歲納哨捕鹽斤銀壹拾貳兩

查向聽巡按支用今巡按已裁應解充兵餉

一泉州府屬額徵坵稅等銀壹千壹百貳拾肆兩陸錢捌厘玖毫肆絲柒忽內除遷徙無徵銀壹百陸拾壹兩叁分玖厘玖絲捌忽又漏報無徵銀伍百貳兩肆

錢叁分玖厘陸毫壹絲伍忽實徵銀肆百陸拾壹兩壹錢叁分貳毫叁絲肆忽

康熙玖年布政司冊報前銀內潯美場船稅銀壹百陸拾兩晉江縣船引稅銀壹百玖拾壹兩貳錢壹分陸厘南安縣船引稅銀叁拾貳兩惠安場船稅銀伍拾兩坵稅銀貳拾柒兩玖錢壹分肆厘貳毫叁絲肆忽俱照額充餉

一安溪縣年徵船稅銀拾兩

布政司冊開解府充餉

一龍巖縣鹽稅銀貳拾兩

今附徵存留兵餉

一新墾潯美場坵稅銀肆拾伍兩伍錢貳分陸毫壹絲肆微

康熙拾壹年福建巡撫劉秉政題報潯美場開復晒鹽壹拾叁垵康熙玖年墾築共積玖千貳百伍拾丈伍尺柒寸伍分肆厘鹽不商支該徵坵稅銀肆拾伍兩伍錢零於拾貳年起科應歸泉州府附徵兵餉項下照例徵解

一泉州府車橋港鹽牙稅銀壹千伍百玖拾兩

查係泉屬商民運鹽至車橋地方所納之稅該撫於雜稅內彙報

一紙硃銀陸拾肆兩叁錢叁分伍厘

每引叁厘解部以為印刷引目之費

行鹽地方

西路行鹽地方銷引貳萬道

延平府屬

南平縣

順昌縣

原額行引伍百伍拾捌引

原額行引叁百貳拾陸引

將樂縣

原額行引貳百玖拾貳引

沙縣

原額行引叁百貳拾陸引

尤溪縣

原額行引叁百貳拾伍引

永安縣

原額行引貳百陸拾肆引

建寧府屬

建安縣

原額行引玖百肆拾肆引

甌寧縣

原額行引壹千壹百捌引

建陽縣

原額行引玖百肆拾引

崇安縣

原額行引貳千柒百貳拾引

浦城縣

原額行引壹千肆百玖拾捌引

邵武府屬

邵武縣

原額行引壹千叁百玖拾陸引

光澤縣

原額行引捌千伍百伍拾捌引

建寧縣

原額行引伍百貳拾貳引

泰寧縣

原額行引貳百貳拾叁引

東路行鹽地方銷引壹千壹百玖拾道

興化府屬

福寧州

原額行引壹百叁拾引

寧德縣

原額行引壹百伍拾玖引
福安縣

原額行引壹百伍拾玖引

福州府屬

羅源縣

原額行引壹百伍拾玖引

古田縣

原額行引壹百伍拾壹引

建寧府屬

松溪縣

原額行引壹百伍拾壹引

政和縣

原額行引壹百伍拾壹引

壽寧縣

原額行引壹百參拾引

南路及永福港行鹽地方銷引貳百伍拾伍道

福州府屬

閩縣

原額行引捌拾引

候官縣

原額行引壹百貳拾引

永福縣

原額行引伍拾伍引

查興化泉州漳州參府屬原無却引行鹽之例興屬

莆田仙遊貳縣民食上里場竈戶易米餘鹽納稅克

餉泉屬赤縣明初曾受引納課因引課難銷商逃官

累至嘉靖年間去引納稅漳屬向係鹽法道給票照

運從不領引今參府仍照舊例納稅行鹽

各路場賦役全則

西路每年行鹽肆幫共徵引價餘價牙稅及加課正價

銀壹萬捌千肆百貳拾叁兩捌錢

滴珠銀壹百捌拾肆兩貳錢叁分捌厘

給官水脚銀叁百陸拾捌兩肆錢柒分陸厘

又幫封銀伍千兩內

解京肆千兩存留壹千兩內陸百陸拾玖兩貳錢向

係巡按公費今裁扣解京現存留叁百叁拾兩捌錢

以備運司修船造橋等費

又該給官水脚銀玖拾叁兩叁錢捌分肆厘

又各商每年共納助餉牙行經紀銀叁百壹拾柒兩壹錢叁分陸厘陸毫伍絲玖忽

向原充巡撫操賞今裁扣解京

又各商每年共納曠役牙行經紀銀壹百叁拾叁兩貳錢捌分肆厘肆毫叁絲貳忽伍微

向原支給運使經費今除支用心紅外餘銀裁扣解

京

又大田縣認課正價銀壹百兩

滴珠銀壹兩

給官水脚銀貳兩

東路內參港每年行鹽貳拾捌幫共徵引價牙稅加課

正價銀貳千壹百壹拾壹兩貳錢玖分叁厘叁毫叁絲貳忽肆微

滴珠銀壹拾壹兩柒錢柒分玖厘陸毫

給官水脚銀肆拾貳兩貳錢貳分伍厘捌毫陸絲

又各商每年共納加餉牙行助餉銀叁百壹拾伍兩

貳錢捌分

向原克巡撫操賞今裁扣解京

又各商每年共納曠役牙行經紀銀伍拾貳兩玖錢

貳分

向原支給運使經費今除支用心紅外餘銀裁扣解

京

東路外伍港每年行鹽伍幫共徵引價餘價牙稅及加

課正價銀叁百捌拾伍兩柒錢伍分叁厘叁毫叁絲

叁忽貳微

滴珠銀貳兩伍錢貳分肆厘貳毫

給官水脚銀柒兩柒錢壹分伍厘陸絲

又各商每年共納加餉牙行助餉銀陸拾柒兩伍錢

陸分

向原奏給巡撫吏書廩給今裁扣解部

又各商每年共納曠役牙行經紀銀壹拾壹兩叁錢

肆分

向原支給運副經費今除支用心紅外餘銀裁扣解

部

東路歲額細鹽正課銀貳百兩

滴珠銀貳兩

給官水脚銀肆兩

南路新港每年銷引捌封共徵引價餘價牙稅正價銀

伍百壹拾壹兩壹錢肆厘

滴珠銀伍兩壹錢壹分壹厘肆絲

給官水脚銀壹拾兩貳錢貳分貳厘捌絲

又各商每年共納克餉助餉銀貳百陸兩肆錢

向原克巡撫操賞今裁扣解部

南路外港壺江北茭竒達定海六石連江陸灣每年共

徵課銀參百捌拾參兩參錢貳分捌厘

滴珠銀參兩捌錢參分參厘貳毫捌絲

給官水脚銀柒兩陸錢陸分陸厘伍毫陸絲

又各商每年共納克餉助餉銀壹百伍拾肆兩捌錢

向原克巡撫操賞今裁扣解部

永福港每年銷引壹封徵正價銀陸拾參兩捌錢捌分

捌厘

滴珠銀陸錢參分捌厘捌毫捌絲

給官水脚銀壹兩貳錢柒分柒厘陸毫壹絲陸忽
又各商每年納充餉助餉銀貳拾伍兩捌錢

向原充巡撫標賞併吏書廩給運使經費等銀今除
運使支用心紅外餘銀裁扣解京

捌港牙稅銀肆拾兩

解充兵餉

上里場依山買辦戶鹽壹萬陸千捌引貳百肆拾捌斤
柒兩陸錢伍分貳厘每鹽壹引折銀貳錢伍分共徵
正價銀肆千貳兩壹錢伍分伍厘叁毫

滴珠銀肆拾兩貳分壹厘伍毫伍絲叁忽

水脚銀捌拾兩肆分叁厘壹毫陸忽

海口場依山買辦戶鹽捌千玖百貳拾陸引叁百玖拾
柒斤拾肆兩陸錢伍分貳厘每鹽壹引折銀貳錢伍
分共徵正價銀貳千貳百叁拾壹兩柒錢肆分玖厘
伍絲

滴珠銀貳拾貳兩叁錢壹分柒厘肆毫玖絲伍微

水脚銀肆拾肆兩陸錢叁分肆厘玖毫捌絲壹忽

牛田場依山買辦戶鹽捌千玖百柒引叁百玖拾壹斤

拾叁兩叁錢伍分每鹽壹引折銀貳錢伍分共徵正價銀貳千貳百貳拾陸兩玖錢玖分肆厘玖毫

滴珠銀貳拾貳兩貳錢陸分玖厘玖毫肆絲玖忽水脚銀肆拾肆兩伍錢叁分陸厘捌毫玖絲捌忽

惠安場額辦折色折銀鹽柒千叁百伍拾貳引肆拾捌斤拾兩捌錢每鹽壹引折銀柒分共徵正價銀伍百壹拾肆兩陸錢伍分

滴珠銀伍兩壹錢肆分陸厘伍毫水脚銀壹拾兩貳錢玖分叁厘

潯美場額辦折色折米鹽叁萬叁千陸百壹拾壹引貳百陸拾陸斤拾貳兩每鹽壹引折米壹斗該米叁千叁百陸拾壹石壹斗陸升陸合柒勺今每米壹石折銀伍錢共徵銀壹千陸百捌拾兩伍錢捌分叁厘叁毫伍絲

丙州場額辦折色折米鹽玖千貳百玖拾伍引壹百伍拾玖斤捌兩每鹽壹引折米壹斗該米玖百貳拾玖石伍斗叁升玖合捌勺今每米壹石折銀伍錢共徵銀肆百陸拾肆兩柒錢陸分玖厘玖毫

涪州場額辦折色折米鹽壹萬肆千玖百柒拾陸引叁
百陸拾壹斤每引折米壹斗該米壹千肆百玖拾柒
石陸斗玖升叁勺今每米壹石折銀伍錢共徵銀柒
百肆拾捌兩捌錢肆分伍厘壹毫伍絲

福建事例

一順治柒年肆月福建巡按御史霍達題稱福建東路
行鹽之地自順治肆年起至今皆為賊窟額鹽未售
商人束手坐困又因兵荒水災謀生不給欲以數千
之課令之賠納祇速其逃斃耳乞照殘破地方例將
伍年以前東商無鹽之課准其豁免自陸年為始照
數催輸臣部請行該督撫查奏據撫臣張學聖題稱
福建行鹽地方福寧州福安寧德羅源三縣肆伍兩
年從遭賊燹水陸等處商旅累足不前直至陸年肆

月間大兵剿復道路始通以前各商額鹽未售欲責
輸將課於何出臣細加確察委與前疏相符應唯豁
免臣部覆

准肆伍兩年東路舊欠額課既難追徵應全與豁免自陸
年起照例催輸

一順治柒年伍月福建巡按御史霍達為詳陳閩中鹽
法以便奉行題稱案查萬曆肆拾捌年以前閩課正
銀肆萬陸百陸拾柒兩零明季疊加商不堪命資本
賠累逃者過半自我

朝息詔凡一切額課俱照萬曆肆拾捌年例額外濫加悉
行蠲除但閩中鹽法與浙淮長蘆不同而商之窮苦
凋疲最甚至於積玩積弛積弊積蠹前入所未從講
求臣謹一一條分乞

勅部確議用垂永久臣部議覆我

朝定鼎淮浙長蘆山東河東鹽課俱領有經制獨八閩海
氛未靖未經裁定按臣條議一十七款期於疏引惠
商厘奸裕課然中間有應查議者有應允從者有應
申飭者亦有應更定者臣部再四參酌逐款開明今

按臣已裁應

勅該撫查照遵行一定鹽課額數據稱每年西商引餘牙
稅加課滴珠共銀壹萬捌千陸百零捌兩叁分捌厘
東商引餘牙稅加課滴珠共銀貳千伍百壹拾壹兩
叁錢伍分肆毫陸絲伍忽陸微南路引餘牙稅滴珠
共銀伍百壹拾陸兩貳錢壹分伍厘肆絲陸灣課并

滴珠共銀叁百捌拾柒兩壹錢陸分壹厘貳毫捌絲
永福港引餘牙稅滴珠共銀陸拾肆兩伍錢貳分陸
厘捌毫捌絲大田縣認課滴珠共銀壹百零壹兩今

不許認課食私應在西路商人名下勻納以補正供
之數上里海口牛田惠安四場鹽折滴珠共銀玖千
陸拾伍兩叁錢肆厘柒毫肆絲貳忽伍微細鹽課并
滴珠共銀貳百零貳兩肆包鹽課銀貳千叁百壹拾
捌兩壹錢伍分又西商幫封銀伍千兩除壹千兩係
存番衙門公費外應解額銀肆千兩此歷年解京者
又漳兩港三場鹽折銀共貳千捌百玖拾肆兩壹錢
玖分八厘肆毫向係泉州府清軍廳徵給永寧衛福
全金門二所軍糧今無衛軍此項應入解京之數以

上通共銀肆萬陸百陸拾柒兩玖錢肆分肆厘捌毫
捌忽壹微此係解京年額之數外又有原額撫院衙
門萬曆年前十賞銀壹千玖拾壹兩叁錢陸分并莆
田仙遊牙稅貳百壹拾陸兩以充軍前犒賞之需又
前以開明幫封銀壹千兩內叁百叁拾兩捌錢係運
司動用以為修造鹽船閘橋倉庫掣鹽諸費外陸百
陸拾玖兩貳錢係臣衙門承差齎奏盤纏造冊紙張
本料等項之費有不足者再從私鹽變價銀內通融
支給俟差滿報完之日所當一併造冊銷算今查鹽

法考福建歲額課銀貳萬玖千柒百叁拾肆兩零至
天啟崇禎遞加貳萬玖百捌拾捌兩零今按臣疏稱
萬曆肆拾捌年以前每年額銀肆萬陸百陸拾柒兩
零比萬曆年間原額多銀壹萬玖百叁拾餘兩比崇
禎年間加增之數少銀壹萬伍拾餘兩未知何據應
行該撫再加確議報部酌奪此外又有撫院小賞銀
壹千玖拾餘兩仙遊牙稅貳百拾陸兩查撫院已有
操賞此銀自應解部又幫封銀壹千兩以叁百叁拾
兩捌錢為運司造船修橋之費相應准番其陸百陸

拾玖兩貳錢為巡按承差賚奏盤費并造冊紙張之
用查巡按已裁前銀自應解部以歸正項一報明革
過銀數據稱西路舊商年銷引貳萬道分為伍拾封
至天啟貳年又加新引伍千道分為拾貳封年時募
招新商承頂每封肆百道納引餘價牙稅滴珠幫封
等銀共肆百捌拾壹兩壹錢陸分玖厘叁毫每年共
銀陸千壹拾肆兩陸錢壹分陸厘貳毫肆絲又至天
啟陸年間大工告訖部文行議東西南三路每引壹
道加引價銀陸分每年通共銷引貳萬陸千肆百肆

拾陸道共加銀壹千伍百捌拾陸兩捌錢崇禎年間
加練餉銀貳萬兩今遵順治元年陸月初壹日

恩詔凡行鹽經制悉以萬曆年為準頒示曉諭遵行已久
以上數項新加之課永為裁革今議得順治元年

恩詔凡逐年加增及襍項加派盡行蠲免止照萬曆舊額
按引徵課但按臣疏第一款內徵課數目又與萬曆
年間舊額不符應行查明再議除豁一明引課數目
據稱西路商人年限銷引伍拾封每封計肆百道該
納引價銀壹百貳拾兩餘價銀壹百陸拾兩牙稅銀

壹拾肆兩肆錢柒分陸厘嘉靖萬曆年間兩次共加課柒拾肆兩肆封捌拾兩勻認大田縣退課銀貳兩滴珠銀叁兩柒錢肆厘柒毫陸絲共肆百伍拾肆兩壹錢捌分柒毫陸絲計伍拾封共該銀貳萬貳千柒百零玖兩叁分捌厘東路商人年限銷引叁拾肆封每封引計叁拾伍道該納引價銀壹拾兩伍錢餘價銀貳拾捌兩牙稅銀叁兩伍錢柒分嘉靖萬曆年間兩次加課銀共叁拾壹兩叁錢柒分貳厘叁毫滴珠銀肆錢貳分柒毫共柒拾叁兩捌錢陸分叁厘計叁

拾肆封共該銀貳千伍百壹拾壹兩叁錢伍分肆毫陸絲肆忽陸微南路商人年限銷引捌封每封引計貳拾伍道該納引價銀壹拾陸兩伍錢餘價銀肆拾肆兩牙稅銀叁兩叁錢捌分捌厘滴珠銀陸錢叁分捌厘捌毫捌絲共陸拾肆兩伍錢貳分陸厘捌毫捌絲計八封共該銀伍百壹拾陸兩貳錢壹分伍厘肆絲此係東西南三路商人歷來受引實額應徵之數今查按臣所稱東西南三路并六灣永福大田及上里海口牛田惠安等場鹽課折價等銀共肆萬陸百

陸拾柒兩零每年共銷引貳萬陸千肆百肆拾陸道
並未細開每年來處額該行引若干每引計該行鹽
若干實該徵銀若干再查鹽法考每年額該舊課貳
萬玖千柒百餘兩今據稱引餘牙稅加課等項共肆
萬陸百餘兩若照此數定課引目亦當更爲我

朝定制惟引課二字至牙稅加課幫封退課滴珠等項名

色舉行刪除應行該撫再加查明開報以憑稽核一
減鹽加課之宜飭據稱查得前朝各商苦於旁課疊
加因而加鹽今議既蠲前朝疊加之餉即減前朝加

祖之鹽鹽斤減則課銀自足不必議加而商通課裕
矣西路額定每封引肆百道每引一母一子各鹽貳
百斤又火食耗鹽柒拾貳斤加課鹽肆拾斤捌兩又
續議加補缺額課鹽叁拾柒斤捌兩又加包索及折
耗等鹽伍拾壹斤零肆兩每一引納引價餘價牙稅
加課滴珠幫封大田退課共銀壹兩壹錢叁分伍厘
肆毫伍絲貳忽該行鹽陸百零壹斤肆兩計引一封
共鹽貳拾肆萬伍百斤東路每一引該納引價餘價
牙稅加課滴珠課銀貳兩壹錢壹分肆毫該行鹽陸

千斤計引一封叁拾伍道該鹽貳拾壹萬斤南路每
一引該納引價餘價牙稅滴珠課銀貳兩伍錢捌分
壹厘捌絲行鹽肆千捌拾斤計引一封貳拾伍道該
鹽壹拾萬貳千斤此皆萬曆肆拾捌年以前之舊額
也再行申嚴永為定規今查明季末年各運司疊加
課銀因而疊加鹽斤我

朝定制止徵額課除去新加則引數鹽斤自應悉照舊例
今該巡按疏稱西路每引納銀壹兩壹錢叁分伍厘
肆毫伍絲貳忽行鹽陸百零壹斤肆兩東路每引納

銀貳兩壹錢壹分肆毫行鹽陸千斤南路每引納銀
貳兩伍錢捌分壹厘捌絲行鹽肆千捌拾斤查刊書
萬曆年間因改牛船俱以肆百斤為一引我

朝新制各運司俱以貳百斤為一引關中何以一引行鹽
數千斤且各路行鹽斤數既殊納銀多寡亦異殊非
畫一之制應行撫臣再加查議妥確奏

請定奪一行鹽地方之宜分據稱商分東西南南各有其地
必須清分界限近來南借西鹽西售南地彼此奸混
莫可究詰今當嚴飭東路自福寧寧德福安以及福

府之羅源縣建寧府屬之松溪政和壽寧三縣西路則延平郡武二府全屬及建寧府之建安甌寧建陽崇安蒲城五縣南路則省會之內外地地方上至竹崎所下抵閩安鎮此三路行鹽之定界也汀州一府向來原食廣東之鹽不在此內設有踰越即是私販違者重繩以法庶地方一定奸弊自絕今查刊書開載舊時行鹽地方東西南路各有界限自應嚴行申飭其彼此借售之弊應行禁止以杜奸混汀州一府向食廣鹽仍照舊法行一舊祖當更據稱查前朝萬曆四

拾捌年以前祖重官秤壹百壹拾伍斤計每引該五祖零貳拾陸斤肆兩自天啟崇禎和課始加小祖二個合之歷來老祖共重貳百貳拾伍斤每引用貳拾柒筭每筭重伍拾斤是一引鹽重至壹千叁百伍拾斤矣今正課照萬曆年則例徵輸一切旁課已荷

詔免臣酌議新祖定以壹百斤零叁兩叁錢每引共陸吊共計陸百零壹斤四兩有多出盤驗得實即行割改定罪通飭各處行鹽地方遵照其以前濫加之祖盡行豁除今議得明季每引行鹽肆百斤今我

朝新制每引以貳百斤為率則祖之斤兩亦應照此秤掣
應行該撫確議或除去祖名照准浙事例另鑄新錠
以示畫一一行鹽幫期之宜定據稱西商駁書所載
年行五幫每幫十號每號肆百引原定柒拾貳日為
期年計銷引貳萬道東路內外港年限叁拾肆幫五
幫銷引叁拾伍道內港限貳拾伍日外港限叁拾捌
日南路年限銷引八封分為四季冬季銷四封春夏
秋共銷四封除東南貳路率由舊制外惟西路原以
幫多鹽壅難行今鹽道運司會詳五幫改為四幫每

幫定限改拾日每幫行引伍千道年維行四幫仍銷
五幫貳萬道之引不失原額務期幫通課足不致如
前積滯查鹽法考行鹽幫期各有定限除東南二路
各照舊制外西路每年原行五幫今該按疏稱幫多
鹽壅以五幫改為四幫仍銷五幫之引幫更而引不
減似應允行一嚴運司各官之考成據稱查鹽課錢
糧完有定額解有定期今加餉盡已蠲除所存正課
自當卹年按期完解查得東路幫課係運副徵解司
庫西南二路并各屬額課係運使督徵運同駐劄水

口端備西幫並船充運通商裕課責任尤重是司官
三員皆以督課為職按額完欠分別殿最必以微解
無缺者方准考滿陞遷若並課未完而輒與陞遷是
以得門為傳舍即臣等將執何法以責成乎今議每
年運司各官課完商裕者特薦優陞以酬其勞其正
課欠至二分以上者即遇陞遷仍令任俸督催完日
方許離任欠至三分以上者何辭通同私販蠹

國妨課之罪所當參處革職原欠之餉應於本官名下
追補查並課考成明季立法最嚴凡運提各官任滿

給由俱以課銀完欠分數定陞遷降革此舊例也崇
禎八年會議未完一分以上者降俸一級二分三分
降職一級四分五分降職三級以上俱戴罪督徵完
日按並御史具題開復六分七分降職三級赴部調
用限文到三月內全完方准開復八分以上革職為
民仍行按並查明有無別情奏奪過限不完降革如
例有前後接管分承者照例分罰仍於戶部考成今
閩氛初靖商賈尚未大通若遽照此例舉行恐官民
皆難措手今議運提各官未完三分以上者降俸一

級五分以上者降職一級八分以上者降職二級俱
令戴罪督催限三月內全完候巡撫具題開復如違
限不完實行降調有前後接管分承者照例分罰一
嚴催水客以定考成據稱商人行幫水客轉運兩者
相因斷不容缺在西商將鹽止運水口橋關經分司
盤驗明白而水客承接方行上三者發賣此歷來成
規也但水客向係各縣倉點差人押赴水口候幫承
買近緣法文人玩私鹽橫行揆厥所由總無考成之
法以致釀政大壞今臣酌定通飭行鹽各縣凡應買

幫鹽水客先期報明若商船到關水客愆違旬日者
提管鹽縣依懲處違悞一月以上者縣官題咨革職
勒令受引完課滿日題復延至半年不完者該縣正
印拿問究罪仍責欠課完日方許逐離地方今議得
若商船到關水客愆期不至必加懲處違限欠者管
鹽縣佐印官一併繩以考成之法所當如議飭行一
嚴私販以通商引據稱私鹽與官運原不兩立昔則
積年棚主結連地棍肆橫與販接盤無忌近則影冒
兵丁結踪揚帆搶關直渡官哨莫之敢櫻今欲疏通

商引先嚴透越臣已會同督撫兩臣合力飭行各處
閉津哨捕不拘何項船隻逐一查驗有犯必獲不得
瞻顧縱放但緝私衛課責在管鹽衙門執法擒獲如
有不遵徇情賄放聽臣叅處寃贓擬罪今議得欲行
官鹽必禁私販凡有棚主地棍及假冒兵丁揚帆搶
關販賣私鹽者許管鹽衙門執法擒拿依律治罪徇
情賄放者聽該撫叅處一政和松壽透販當嚴據稱
查得建寧府政和松溪壽寧三縣向食東路之鹽但
三縣下毗甌寧上連建陽崇安浦城且東路鹽賤西

路鹽貴是以私販之徒將東路鹽斤連夥絡繹由山
路挑至水北街堯口下船蔓延建寧府屬縣則阻害
西商之鹽牢不可破今議於水北街增巡檢司一員
增弓兵十名於水北街堯口等處嚴緝則私販絕而
西鹽可通矣今查建寧府政和松溪壽寧三縣原食
東路之鹽向緣西路鹽貴東路鹽賤私販之徒往往
由山路挑至水北街堯口下船販賣於府屬各縣以
致西路之鹽難行應責巡鹽人役於水北街嚴加巡
緝不必增設巡檢弓兵一嚴防水客重照據稱水客

承買封蓋給以引票填明水程筭數延平過橋赴延
清軍廳掛號近有等奸猾水客串通衙役暗復領出
又為下次重照深為盜政大蠹今行延平軍廳嚴加
驗掛搜剔前弊仍給票照如往建者建軍廳倒換往
邵者邵軍廳倒換該廳按季彙繳運司對驗則重照
之弊清而夾帶可杜查水客引票填註水程筭數原
以稽防夾帶若領出重照則反以滋弊矣應責成延
建邵三府清軍官嚴加驗掛按季彙繳運司對驗以
杜奸弊一設立哨捕據稱哨捕之設原係巡緝舊因

寇賊竊發逃亡殆盡閩津空設無人把守盤詰今責
令運司如額招補分發各閩照舊盤詰仍立循環簿
按月倒換以稽勤惰如無擒獲定以賄放究治查巡
緝私販哨捕原不可少應速為招補責其把守閩津
嚴加盤詰仍置立循還以稽勤惰如有賄放查出治
罪一暫加脚費以蘇商困據稱從來運鹽用船裝載
今數年來運鹽大船俱為賊踞間有存者亦朽爛不
堪桅柁俱無兼之水手逃散商人裹足然幫課刻不
容緩今責令支買不得不改水從陸但計肩挑之費

數倍船運商之困苦亦云極矣今每引議加腳鹽陸
拾斤以恤商用俟海船通運之日即行禁革查改水
從陸每引議加腳鹽陸拾斤此亦一時權宜之術今
海氛漸靖舟楫可通應飭該撫修造鹽艘招募水手
仍由海運為便毋以肩挑議加腳費致滋夾帶之弊
一考成銷引痛革認課食私之弊據稱西路歲銷額
引貳萬道派行延建邵三府屬縣年終按其完欠分
別題參迨至明季人心巧於規避始則大田繼則南
平沙縣尤溪永安五縣相率倡為認課不銷引目聽

其食私以致行鹽之地日縮幫鹽之壅日甚深為弊
政今臣痛革陋習遵依舊制盡令行鹽銷引照成書
所載完銷若有不足除歲恭外遇其考滿仍停給由
俟補銷完日具疏開復查認課即包引之別名臣部
久已禁革應如按臣議於西路額引派行延建邵三
府屬縣盡照成書行鹽銷引不得聽其認課食私以
致官鹽日壅一議哨費哨兵既設自應議給工食據
稱西南幫每引出銀貳分伍厘以為哨兵工食雜稱
各商樂從終非政體合行該撫查照應設名數每名

議給工食若干於正項編泐撥給一嚴漳泉解額據
稱運司鹽課有漳屬鹽包年該額銀貳千叁百壹拾
捌兩壹錢伍分向解運司彙格解京又有泉屬漳兩
浯三場共該鹽折課銀貳千捌百玖拾肆兩壹錢玖
分捌厘肆毫原係泉州府清軍廳徵給永寧衛福全
金門二所軍需今無衛軍此項應清出彙入解京之
數但運司與府縣官原非統轄恐日久法玩呼應不
靈起解必致愆遲今議定二項銀兩在該府則責成
清軍海防廳專管每年分為兩次解運定限四月十
月為期赴鹽法道掛號徑解布政司交納一面報臣
衙門及運司知會如有遲欠恭處今議得漳泉二府
額課伍千貳百壹拾貳兩零應如按臣議責成該府
清軍海防官專管每年分為二次解運司彙解如有
遲欠聽撫臣截奏

一順治捌年閏貳月臣部題

准福建漳州府屬鹽包銀兩自順治叁年冬季起至五年
冬季止未完陸百捌拾柒兩有奇先該按臣霍達題
請蠲豁臣部議行撫臣查奏今據撫臣張學聖查回漳屬

四五兩年委因土寇盤踞商人逃散鹽未通行餉無從辦所有未完餉銀似應准其豁免

一順治捌年肆月臣部題

准福建行鹽東路因遭賊踞粒鹽未售虧課貳千玖百兩有奇先該按臣霍達會同督撫題

請蠲免四五兩年逋欠已經臣部覆奉

俞旨蠲免訖後按臣復以西南二路并涪州等場四年分未完課銀貳萬伍千壹百肆拾餘兩援例求免臣部覆請

勅督撫確查今據撫臣張學聖督臣陳錦會題閩省行鹽產鹽之地西南二路并涪州等場逋欠與東路遭賊委係相同似應照例一體蠲免以恤商民之用

一順治玖年拾壹月福建巡按御史王應元為直陳鹽法之弊並詳阻滯之由題稱按全書額載閩課肆萬陸百陸拾柒兩捌錢玖分零內鹽折銀貳千捌百玖拾肆兩壹錢玖分捌厘零責之泉州府同知徵解鹽包銀貳千叁百壹拾捌兩壹錢伍分責之漳州府知府徵解東商額課貳千伍百壹拾壹兩叁錢伍分零

貴之運副徵解西南兩商額課貳萬叁千壹百貳拾肆兩貳錢伍分叁厘肆絲與上海牛惠四場六灣永福大田細鹽各課銀共玖千捌百零壹拾玖兩玖錢肆分叁厘零皆運使督催而運回則專駐水口閱司盤查巡緝之任然奉行之弊多端徃例商鹽到閩水客接買轉運各縣照額銷引迨後水客僉報不平官吏因緣為奸牙棍包攬刁索無所不至於是美利反為畏途而奸商益居為奇貨不得已而議貼商自運又議代商納課夫貼商自運借百姓之錢為運費仍

扣商人之價以還民初議未嘗不妥乃數年各縣解銀貼商者不資而分毫未經扣還是商行無課之鹽民納無鹽之課也至云代商納課則益謬矣蓋窮民利於食私富家倖免僉擾奸胥蠹牙濫得借科歛之名為侵牟之實臣已申禁各縣公僉水客不得那移作弊嚴緝私販不得姑息養奸則貼運包課之害去矣且商人沿補幫之例以行私借抽運之名以售奸遷延夾帶變詐百出遂使正幫愈壓正課日適臣於抽運一事力行禁革而補幫非實遭水火盜賊者不

行臣部覆

准查福建歲額鹽課肆萬陸百陸拾柒兩零已經按臣霍
達題准臣部覆兩浙鹽臣裴希度於請

旨嚴定考成疏內凡屬鹽課責成鹽臣與司官計完欠分
數考成今按臣仍將鹽課銀兩分令知府運同運副
等官管理分別責成事誠甚善獨是倉報水客前經

撫臣條議臣部亦如其議今按臣疏稱貼商自運分
毫未經扣還商行無課之鹽民納無鹽之課又云代
商納課益為謬說各持一見議論不同臣部難以懸

議仍

勅撫按二臣除抽幫補運等弊聽按臣自行禁革外其餘
報水客一節從公會議務期商民兩便永遠可遵妥

雖會題以便覆

請定奪

一順治拾年陸月福建巡按御史王應元為詳陳閩中
鹽法以便奉行永久題稱閩省行鹽之法因地制宜
不特與各省不同即東西南三路亦各迥異今奉部
文查會計錄所載福建歲額行引壹拾萬肆千叁百

肆拾引欲遵新制而行化引之議每引定鹽貳百斤
臣與撫臣脩行道司細加酌覆據稱三路銷引年止
貳萬壹千肆百肆拾伍道其餘係各場灶戶納價之
引合之始有拾萬肆千叁百肆拾引之數三路引課
實止貳萬伍千柒百餘兩其餘係各場灶戶本折鹽
斤漳屬鹽餉等項奏之始有肆萬陸百陸拾柒兩零
之額又臣衙門承差費奏盤纏等項幫封銀陸百陸
拾玖兩貳錢奉文併入解額通共銀肆萬壹千叁百
叁拾柒兩玖分伍厘零今欲化引遵制西路每引支

鹽陸百斤化一為三猶可勉副東路每引支鹽陸千
斤南路每引支鹽肆千捌拾斤若盡令化引則引多
課少實為難行通議槩以仍舊為便臣以為立法貴
順人情定賦各因地利似不必紛更加引以滋夾帶
且以重各縣銷引之累也至嚴水客以定考成撫臣
念百姓僉派之擾體商人辦課之情議令貼課自運
豈不稱善但民納課而高營利於商便矣百姓雖免
僉點之擾猶有包課之苦剝肉醫瘡殊覺不堪且銷
引之擔既弛則緝私之法必廢私販公行扶同莫問

人爭趨賤勢必使官鹽不售而商人坐困滯幫壓課
害則貽之

國計矣今各商舳舻飛輓於上游以爭十數倍之利者
且踵相接也何嘗必待水客轉運乎乃自為鹽商自
為水客而必藉口水客之不来以圖飽貼運之民錢又
安得不杜其奸乎至於僉點水客運鹽售利原非畏
途不過一二官吏廢法徇私民始稱病臣行各縣今
後點客照里甲十年九間之法秉公預點一切僉報
派貼賄免諸弊肅然一洗各縣水客俱已樂從臣與

撫臣及司道會議仍令僉客轉運至前此海運維艱
前按臣霍達曾於條陳疏中每引有加脚鹽陸拾斤
候海運大通仍令照舊之議臣以為商人辦課實苦
此暫加之鹽似宜永遠為例以示恤商之仁臣部覆
准查福建鹽課肆萬陸百陸拾柒兩零又新裁賣奏盤費
等項銀陸百陸拾玖兩貳錢壹分併入解額共銀肆
萬壹千叁百叁拾柒兩玖分伍厘零為一歲定額矣
惟是我

朝經制行鹽以貳百斤為一引福建西東南三路斤重懸

殊事非畫一臣部各行撫按酌量經久可行今撫按諸臣咸謂化引通制難行槩以仍舊為便則是每歲以貳萬壹千肆百肆拾伍引為行鹽之額引也其餘點水客照里甲十年九闌之法秉公預點一切倉報孤貼賄免諸弊肅然一洗該撫按身在地方所見必確似應如議至於海運加腳鹽陸拾斤原以改水從陸大船朽爛之故該撫曾議山木可需仍令補造大船勒限報完免加腳鹽以杜夾帶之端

一順治拾壹年叁月臣部覆

准查巡鹽事宜前經吏部具題責成運司清查速解巡鹽亦屬可省應將以前文卷交明運司存案奉有

俞旨今閱撫按國器以閩省行鹽事宜向屬按差兼管按差停止文卷交割該撫故撫臣海有應否照前督臣所行之請查與原題未合應仍遵前題將鹽務文卷交與運司一應行鹽事宜應與應革仍令運司力任鑒別報部酌議

一順治拾叁年柒月福建巡按御史朱克簡為疏輔裕課題稱閩省行鹽與各省異各省鹽課多而商本厚閩省

鹽課少而商本微乃今閩省之鹽又與舊異蓋行鹽
必須食鹽之人往時人稠戶殷今戶口凋殘百里無
烟行鹽必須行鹽之地往時地靖商通今除泉漳新
復外餘依山傍海半為賊踞行鹽必須行鹽之費往
時式船裝運一引祇費壹貳錢今時片板不許下海
俱用肩挑一人止挑伍陸拾斤盤山過嶺跋涉維艱
一引費至陸柒錢不啻是以商日貧而鹽日阻據衆
商僉呈順治拾貳年方銷八年寒來暑往之引尚未
行半已扣完拾貳年之課引歷十八字課馱拾萬餘

兩過此將何底極若使幫引積壓則徵課與銷引年
分參差乞自拾叁年起銷新帶舊臣思部引頒行在
即若照舊幫行鹽則部引何日始銷若不帶銷舊鹽
則商人積壓未銷之引豈忍中断惟有查依年分先
儘部引新幫完日始將從前積壓逐年帶銷臣部議
覆福建地方荒殘自順治拾年以前引額未定至順
治拾年臣部題每年行貳萬壹千肆百肆拾伍引徵
課銀肆萬壹千叁百叁拾柒兩零奉有

俞旨遵行今該按疏稱先儘部發新引完日始將從前積

欠逐年帶銷但疏內未會分晰某年已行過鹽若干
徵收課若干課銀於某處支用某年鹽壅積若干某
年鹽課拖欠若干應作幾年銷完仍

勅該按確查具奏續據按臣成性將順治各年起至拾叁
年止行過鹽引徵過課銀解支并壅積引鹽各數目
造冊題報前來臣部備查冊開順治各年起至拾叁
年止共壅積引玖萬叁千玖百零該按議每年帶銷
千餘引甚為遲悞應照題定准浙等處帶銷未完引
目之例准於四年內帶銷全完

一順治拾伍年貳月福建巡撫劉漢祚題稱漳州場額
銀柒百肆拾捌兩捌錢肆分陸厘零內有金門地方
該銀伍百柒兩柒錢叁分伍厘零隔絕海隅久為寇
踞無從追徵臣部覆

准查漳州屬銀伍百柒兩零既稱遠賊仍在此處居住相
應暫免追徵俟賊退日即行題報照舊徵收其中如
有隱冒并有出鹽處所借端賊寇隱漏未報者應一
併從重叅處

一順治拾伍年拾貳月吏科左給事中粘本盛為鹽弊

多端請畫一以便民生題稱福建鹽政其弊尤甚臣
屬本鄉知之更真查各府皆徵鹽引惟泉州為濱海
產鹽之區令民辦鹽入倉照丁給鹽徵糧而輸納之
法祇就民間丁米內攤派設鹽場官掌之以充永寧
衛所軍糧是一民也而有糧差鹽折二衙門之徵糧
差徵之于縣鹽折徵於場官而轉解於防廳縣徵有
當里長之役凡經承催差保歇之需索已為極苦廳
徵又有當總催之役凡經承催差保歇之需索更無
所不至天啟年間裁去鹽場官歸縣併徵百姓稱便

我

朝初亦如舊至順治六年間以衛軍既革將鹽折清入解
京而責成於防廳一民而徵從前需索諸苦又復再
見縣差廳差接踵盈門無名勒騙典鬻難繼重疊追
比何以聊生乞憐鹽丁即係縣民鹽米即係縣米歸
縣併徵不過用一里長與民間之丁米同輸而省一
衙門所全於海濱子遺者多矣臣部覆

准查鹽斤銀兩地畝錢糧各有經營衙門各自分徵通行
已久不便並徵且糧差鹽銀各自另項若獨襟一處

亦難銷算應仍照舊例行

一順治拾柒年貳月福建巡按御史李時茂為鹽折懇
歸縣徵俯從民便題稱潯兩洛三場鹽折即係民米
泝出鹽丁即民丁也潯兩隸在晉江縣洛州隸在同
安縣向屬該縣督催自前朝已然民皆稱便迨至順
治六年改行廳徵在縣編當里長在廳渡當總催一
人兩役不免差催保歇之擾又有朔望聽點之煩今
臣巡歷泉州鹽民相率具呈觀其苦情真難刻待批
行該府查稱歸縣果屬便民不受兩徵之苦但鹽折

完欠向與正供一體考成今歸縣徵則考成應責縣
官匪特鹽折不致缺額亦可杜後來更張而便民惠
政可遵行於永久矣臣部覆

准查閩屬泉州府鹽折銀除蠲外共計實徵銀貳千叁百
捌拾陸兩肆錢陸分零今按臣疏稱仍歸縣徵為便臣
部備查舊例無案可稽應該按臣確查明季舊例如
係縣徵歸縣廳徵歸廳照舊例遵行

一康熙元年肆月福建總督李率奏為遷民鹽場盡廢
通省命脉攸關題稱鹽場遵已遷移百姓兵馬一日

不能茹淡查醴政全書內載福清縣之海口場牛田
場莆田縣之上里場此三場產鹽獨多西商運資上
游東商運資福寧南商運資省城內外他如泉之壽
美場亦近界內以供泉漳兩郡之食所當議番兵離
界隔遠及有盜賊出沒之地如興化之下里富盈廣
衍永濟等圍及上里之洪荒日月正日月日月盈等
圍海口之東村後港等圍盡當議去但福建產鹽與
別處煎煮者不同煎煮之法潮至內港挑水熬煎不
過人力可為而閩省晒鹽則須就近地守候小潮之

時遇天晴爬泥灌水為酒必須日晒乃能成鹽若其
地不復鹽竟絕矣第應番晒鹽之處議定則稽察混
防之法倍宜戒嚴當於四隅處所每場建設一寨撥
發防官一員統兵百名駐劄寨內圍丁灶戶給與腰
牌朝出晒鹽暮即入寨或聽歸家妻孥眷屬俱住界
內不許在外容番家口似此立法嚴而作奸無地鹽
課通而兵民有資臣部會同兵部覆

准沿海居民奉

旨遷移但鹽係兵民日食所需之物且鹽課藉其出辦不

可無產鹽之場今既經該督以上里海口牛田潭美
四場相近界內請番相應如議照舊晒鹽辦課各場
既去止番四場必與先前鹽價騰貴其裁去各場之
課着令該撫仍行四場徵補足額至設寨撥發官兵
防守事宜查每寨令一百名兵丁駐劄事屬太少應
聽該督酌量設寨選委廉幹官員多統兵丁駐劄分
防不時稽察至寨內灶戶朝出暮入各給腰牌不許
容番家口在外應如所議該督責成附近鎮道等官
嚴行稽察無使藏奸為害如晒鹽灶戶及兵丁藉此

違禁擅出界外各該管鹽官及鎮道有司防守等官
拿解督撫題參以通海賊治罪其管鹽官鎮道有司
防守等官不行嚴查及徇情故縱者該督撫訪察題
參從重治罪該督撫若不題參事發一併從重治罪
一康熙貳年正月福建巡撫許世昌為欵奉

上諭事題稱閩省遷移鹽課奉

旨准復四場臣等立行藩運二司速議舉行惟築堡設場
撥兵疏商悉皆從新整頓雖上緊催督奈勢難猝就
奉文准復在於七月而事竣開運時已交冬嚴督經

管止克勉辦秋冬季課若春夏兩季無可追補此應
報明者一也至十八年分舊課在西南二路及漳包
等處尚有餘鹽積貯界內得以銷賣故冬季正課不
致有缺若東商行鹽口岸全屬福寧邊海自遷後即
絕興販何從補徵季額此各路商課完欠不同之故
也其鹽折名目賦役與鹽政款載三則除戶丁向與
民丁同例并附海諸辦戶鹽原從場埕輸納外如鹽
田則屬鹽丁佃業從來縣場年額皆按田畝徵收今
田既屬界外原課應除此又鹽折不同之故也再查
季引缺額之數不在其內節經查駁總係鹽課理合
一併

題明所有鹽課鹽折各項與缺額細數俱行脩造清冊
送部查核臣部覆查福建運司止番界內上里海口
牛田尋美四場其裁去各場之課仍行四場徵補足
額已經臣部覆奉

俞旨今該撫疏冊內開十八年冬季及康熙元年春夏二
季缺額鹽課應令各商照數補徵至界外無徵鹽折

親自應仍照前

旨派令見在四場照額完納不得借口虧欠再查冊內所開上里海口牛田三場附海塩每引商納引價銀叁錢此項銀兩或在年額肆萬壹千餘兩之外或在別項下報銷節年作何支用應令該撫查明報部於康熙二年八月續據該撫覆稱閩海久罹寇亂商灶之名目雖同時地之情形迥別自遷內地東商口岸俱係瀕海十八年冬課憑何輸運及四場准復設灶築堡至元年之十一月始得開晒竭辦秋冬兩季業已

不勝艱難若遷缺鹽折責勻界內窮丁素終年敲撲即其本等折銀尚多積欠今奉部議行查催徵不得錢糧例有福建積欠鹽課臣既日擊萬難勻補之情何敢不據實再請以普

皇仁其細鹽課銀貳百貳兩馮課伍百肆拾玖兩陸錢貳分零仍歸之於連江長樂閩安照納如東課食鹽州縣民難茹淡今再三查酌凡屬去場遠隔俱令本地牙舖給照赴場支運轉售民食各按戶口多寡勻派課銀壹千陸百兩在於各場附近居民聽其就近向

場買者是灶戶兼賣商鹽應孤勻課銀壹千肆百貳拾陸兩陸錢叁分零總緣東商既斷額課難虧正就見在行鹽而責完額課原非代商之賠納也至引價叁錢即係課折總額之內欵載暹書可考臣部復查私孤戶口有病於民屢經禁飭而灶丁賣鹽自應認納各場界外無徵鹽折銀兩反納商人引課俱屬未便應請

勅下該撫將東路引課仍遵前

旨查其州縣戶口見今所食何處鹽斤即令該商認納其

各場十八年分缺額又元年分無徵鹽折責今見在各場灶丁照數認納補徵其引價叁錢既在課折總額之內不必再議又查東路商課每年造報額銀止貳千伍百壹拾壹兩叁錢零今疏內共派勻叁千貳拾陸兩零內有小賣經紀牙稅銀兩從前曾否報銷應一併查明報部於康熙三年三月據該撫覆稱閩省遷移缺季額課與界外無徵鹽折兩疏題

請部議行令勻補臣行據藩運兩司詳查泉州原設漳浦浯惠四場向係海民耕佃場田折銀派納福州之上

海牛三場則係鹽丁晒辦與商支買今泉屬止潯美
一場而上海牛三場僅存界內鹽圍地少丁稀今昔
不同即本等見課措納維艱若責以勻補缺額必致
牙遺商灶盡皆逃竄愈難招集且地僻商窮較淮浙
之高資銷運之口岸大相懸殊至於東路課銀地遷
商斷而課額難虧無法催徵前議令食鹽牙舖與支
鹽灶戶勻徵完額正就在銷買東路之引鹽而責
納東路之原課情理宜然原非代商賠納以厲民也
其小費經紀牙稅等銀款目今賦役改充經費心紅

兵餉等用總於按年

奏銷案内列冊報銷臣部覆

准查閩省場灶遷移停幫缺額及界外無徵課銀屢經該
督撫題

請因沿海之民遷移未經行鹽無所勻派相應免其補徵
至於東路商人既絕今既籍牙舖與灶戶勻徵完額
正就見在銷買東路之引鹽而納東路之原課應如
所議與牙舖灶戶徵收仍令該撫嚴禁不得私派戶
口以致病民

壹錢伍分因無鹽可行以致缺額今開海潯美一場
相應照額令西北溪客商運販亦於元年秋冬二季
日補前額者也至西南二路行運在上海牛三場今
既開晒行鹽則其課額除春夏無徵外秋冬二季仍
應照舊完納兩沿惠三場原係鹽折除遷移無徵外
餘在界內田畝應照年額全完不除春夏者也若大
田原係認課永福原未遷及相應仍照舊額無容再
議臣部覆

准查東路原係商人行引納課幫地雖棄界外其州縣戶

口仍在所食何處何商之鹽即應責之該商認納其
上海牛三場依山鹽折銀并得兩沿惠四場無徵鹽折
銀自應勻於現在四場灶丁認納今將商課勻於灶
丁認納互將各場鹽折題

請蠲免似屬混淆應令該撫仍照前

旨通行又十八年及元年缺額銀兩仍照數補徵

一康熙叁年改月福建巡撫許世昌題稱各縣銷引兩
年一恭所以別勤惰而裕幫課也今康熙元年春夏
二季場遷幫停商課缺額業經奉

旨蠲免則鹽無可行而引自無可銷矣其東路福寧一帶
自遷界外幫已停行課自場辦行鹽州縣亦無引目
堪銷今將康熙元年秋冬二季并康熙二年全年行
鹽各縣銷過引目完欠造冊題報臣部覆
准查銷引奏銷以後應照各運司例一年一次考成不得
兩年並造致滋率混

一康熙肆年冬月福建巡撫許世昌為商灶消耗已極積
通萬難並追再懇速需

皇仁以裕新課題稱閩省鹽折賦於地畝鹽包稅於運客

鹽課出於商人今商灶艱困情形較之他省相去懸
殊自順治三年至十二年分尚未發有部引未完課
稅有欠無商及順治十三年始招商給引寇氛未靖
每歲行銷僅部額之半至順治十七年止積引現在
引既未行課從何輸至鹽折孤於灶地鹽包出於漳
屬節年寇擾地棄丁徭比照民糧其難更甚舊課因
荒亂以致拖欠今漫經場灶遷移見課尚且難完又
將十餘年之積欠欲追補於一時勢必皆思退避反
致新課愈缺將節年無可追求之數具題

請蠲臣部覆查閩省自順治三年起至十七年止積逋鹽課並折鹽包等銀通共壹拾貳萬柒千玖百捌拾叁兩零先經臣部題明入於催徵不得案內後因地丁錢糧奉

上諭一槩蠲免後於請

旨事案內查鹽課非係地丁之賦俱係鹽引徵收之稅難以蠲免仍應催徵今該督撫又請蠲具題不便准行仍責令見任官照例徵完奉

旨閩省先經寇擾頻年用兵漳屬荒殘商民稀少與別省

拖欠者不同這自順治三年起至十七年止積逋鹽課等銀仍議催徵不能交納亦不可知着再議具奏又本

月初五日奉

恩詔內開鹽課積逋催徵不得者着察明亦准酌量蠲免應將該省順治三年起至十七年止積欠鹽課壹拾貳萬柒千玖百捌拾叁兩零免其催徵

一康熙柒年正月福建巡撫劉秉政題稱閩省順治叁年起至十七年止共未完鹽課水脚柒千叁百兩有奇實錄先年寇亂商逃積逋正課壹拾貳萬柒千餘

兩業已奉

旨赦免豈有正課難徵而水脚尚能追完之理幾經嚴駁
勢窮計詘委難分厘報先請與正課一體請豁臣部
覆

准查勘年未完水脚銀兩既經該撫屢稱委難追解取有
印結相應免追

一康熙捌年柒月禮科給事中吳愈聖為閩鹽之壞已
極私抽可駭乞

勅嚴察以杜橫徵題稱閩省各府俱行引鹽惟泉屬七縣

原不行引歲徵鹽丁銀壹千玖百陸拾兩名曰鹽折
又於鹽販歲輸銀壹千柒百伍拾兩名曰鹽稅此歷
來足額通行無弊者也遷海之後各場俱裁惟存漳
美一場田產拋出鹽地又窄民生其間已不堪命矣
不意有土棍張德等叁拾餘人倚勢橫行虎視一方
設稅館四十餘所抽鹽百萬餘石罔利病民其害有
不可勝言者按原鹽稅壹千柒百伍拾兩舊例每石
鹽抽銀貳分今則抽銀貳分以一年計之通場出
鹽伍拾餘萬石共抽銀拾餘萬兩新攤界外無徵鹽

折止壹千貳拾兩例應晒丁輸納今則每石鹽抽銀壹錢貳分每年出鹽伍拾餘萬石計徵銀陸萬餘兩又有官鹽之害官鹽者謂設兵以衛民須抽鹽以償之每月則徵鹽陸百伍拾石又有官買之害官鹽之外漢有私買價無半償挑則加倍每年則徵鹽數萬石又有幫稅之害鹽稅既抽商販渡抽晒丁以幫之則每月徵鹽柒百陸拾石尤可恨者開帛行以總之包收包賣高販不得爭也設斗挑以量之出入必經其手也嗟嗟泉屬鹽額幾何此輩之額外橫徵動盈

千萬不知銷歸於何處民安得不困哉伏乞

軫念殘黎嚴究奸惡一切私抽槩行禁革以鹽折之銀歸之鹽丁鹽稅之銀收之鹽販庶閩省遺黎或可稍蘇於萬一也臣部議覆查私之稅館抽鹽并額外橫徵罔利害民等情由應請

勅下該省督撫嚴拿審究逐款查明具題至疏稱鹽稅銀壹千柒百伍拾兩查

奏銷冊內止開車橋港牙稅銀壹千伍百玖拾兩與此數不符并新攤鹽折銀壹千貳拾兩查節年

奏銷冊內並無此項行令該撫逐一查明具題隨據該
撫劉秉政疏稱各犯設館抽鹽等弊應聽督臣會題
外其鹽稅並折二項據藩司詳稱車橋港鹽稅銀壹
千伍百玖拾兩即係

奏銷雜稅冊內之銀又泉州府附徵海美場船稅銀壹
百陸拾兩二項合計與壹千柒百伍拾兩之數相符
其新攤並折銀壹千貳拾兩查係泉州府廳半徵銀壹
千陸百伍兩零內之數此銀原為丁口奉遷界外無
徵議就產鹽之地均輸以補無徵之項查檀攤職名
并不行稽察各官均難辭疎忽之咎據

敕具題臣部議覆車橋港並泉州府附徵海美場船
稅銀既經該撫查明二項共合壹千柒百伍拾兩並
稅之額相符應無庸議至新攤並折銀壹千貳拾兩
查每年

奏銷冊內泉州府廳項下原額銀貳千叁百捌拾陸兩肆
錢零內除沿海遷移界外無徵銀柒百捌拾兩玖錢
零已經題免訖此壹千貳拾兩如果係遺漏未報之
銀該撫豈不隨即題免今科臣具題始稱在泉州府廳

額徵壹千陸百餘兩之內此銀實係私派亦未可知
仍請

勅下該撫嚴查具題又據該撫覆稱鹽折原隨鹽籍丁產
辦納無徵田畝已唯蠲免其人丁奉文安插內地當
時造入有徵額內續因移徙之後鹽丁散處無從追
納是以議於鹽地均輸委非額外私派取有印結具

題臣部覆

准查並折銀壹千貳拾兩行該撫嚴查稱即在泉防廳壹
千陸百餘兩之內取有無弊印結應無容議至從前

不行題明攤派各官理應議處但事在

赦前免議再查各處遷界已展丁口安插已久嗣後應照
舊按丁口徵收不許私自攤抽

一康熙玖年閏貳月福建巡撫劉秉政為萬灶倒懸已
極題稱東路行鹽幫地在於福寧一州及福安寧德
羅源三縣瀕海之區分為內外八港通計年額銷引
壹千壹百玖拾道行鹽柒百壹拾肆萬斤應輸課銀
叁千貳百伍拾肆兩零鹽由海運抵於幫地散賣於
松溪政和壽寧古田四縣民食及各縣港灣漁民鱣

設此東路引鹽行於一州七縣之舊制也迨順治十
八年冬奉

旨遷移幫地廢而海運絕商散引懸課無從出議孤於上
海牛三場灶戶自康熙元年照額勻納至康熙三年
間有方恭等認為牙舖願納東路半課并細鹽課共
壹千捌百壹拾玖兩伍錢零而行一州七縣減額之
鹽更該課銀壹千肆百叁拾肆兩捌錢零仍孤於三
場灶丁勻納至康熙陸年間奉部文看令州縣銷引
福寧一州福安寧德羅源三縣各孤銷引肆拾捌道

松溪政和古田三縣各孤銷引肆拾道壽寧縣孤銷
引貳拾道通共止銷額引叁百叁拾貳道更該額引
捌百伍拾捌道議令海口場銷引伍百捌拾陸道牛
田場銷引肆拾道上里場銷引貳百叁拾貳道權宜
暫為勻銷俟幫地復歸仍照舊制報部遵行間而舊
商王晉等續有歸商銷引之控將福寧一州還商行鹽
在案三場灶戶林會等以東路既有竹鹽之地又有
行鹽之人不甘賠課故有萬灶倒懸之控今據福寧
州舊商王晉等照前認納其福安等七縣牙舖方恭

等額將三場原勾東課除福寧州舊商認納銀玖拾
兩肆錢伍分四毫外更該額銀壹千叁百肆拾肆兩
叁錢玖分叁厘玖毫捌絲玖忽壹微分作七縣通勾
每縣納銀壹百玖拾貳兩伍分陸厘零以足三場原
勾之額則三場原勾東引除福寧州認銷捌拾貳道
以足原額外更該額引柒百柒拾陸道議令七縣俱
照見引勾內寧德福安羅源松溪政和古田等陸
縣各勾加銷引壹百壹拾壹道壽寧縣勾加銷引壹
百壹拾道連福寧州認銷共足原勾三場大使代銷
捌百伍拾捌道之額取有運司各官印結嚴禁不許
私派戶口臣部覆

准查閩省場灶遷移前巡撫將東路商課議令牙舖與灶
戶勾徵完額今既有牙舖與舊商行並前項勾於灶
丁之課應歸商牙承納引歸州縣官勾銷相應准從
一康熙玖年閏貳月福建巡撫劉秉政咨稱興泉漳叁
府屬行鹽故明初年因額引難銷改納稅銀今海界
遷移人民逃亡鹽票阻滯議請改票行引部查叁府
原無行引之例若行引之時較稅額有無加增行令

該撫逐一查明報部今行檄運司會同參府詳稱興
化府屬莆田縣上里場為產鹽之區凡民間食鹽例
係竈戶賣剩餘鹽以米易換年納稅銀壹百貳拾玖
兩陸錢遇有閏年加銀拾兩捌錢迺年解府撥充兵
餉歷來無異其仙遊雖地不產鹽而莆仙接壤兩地
毗連凡民間需用之鹽皆携米赴場與竈戶交換年
納稅銀捌拾陸兩肆錢遇閏加銀柒兩貳錢迺年解
府撥充鎮兵月餉是莆仙小民俱有食課之餘鹽委
難議增稅額引亦不必議行應照舊制食鹽納稅泉

州府屬原有潯涵浯惠肆場迨奉文遷界涵浯惠叁
場俱屬外地止留潯溪一場開曬鹽適足用若遵議
行引第恐展界之後潯涵浯惠肆場齊曬鹽出既多
私販難遏况泉係四塞又不能運發外郡鹽引壅滯
難銷未免累官累民尚有何稅額之加增乎莫如仍
循舊章之為便也又漳州府屬十邑惟漳浦詔安貳
縣產鹽而各縣民間需用向係西北二溪商販散賣
民食年請鹽法道印票叁千肆百捌拾貳張每票載
鹽叁千陸百斤除浦詔自輸坵稅銀陸百零伍兩肆

毫外該納鹽餉銀貳千叁百壹拾捌兩壹錢伍分酌
定行鹽地方輸納此舊制也緣順治拾捌年奉遷浦詔
鹽坵悉截界外商廢課虧惟就泉屬潯溪鹽挑運至
漳鬻賣輸餉茲據龍溪南靖海澄長泰龍巖平和漳
平寧洋捌縣行鹽之地各稱食鹽例係小販肩挑步
運散賣而見在餉銀久難催徵倘議引加稅恐商民
不便課額難完如漳浦詔安二縣產鹽之處原無商
人行引若嗣後奉

旨展界止可照額徵輸今各縣見在詔集西北二溪商販

辦課猶虞不給委難增稅請引臣部議得海界遷移
曬鹽場地見今展界既稱叁府難以行引增稅相應
准其仍照舊例納稅行鹽

一康熙拾壹年正月福建巡撫劉秉政題稱康熙玖年
分鹽課經臣造冊奏銷部查沿海展界從前免過銀
兩自應以展界之年為始照舊全徵行臣查明具題
今查運司所屬柒場內設有場大使計畝徵折計地
徵鹽折同鹽課彙解鹽支各商剪運者上里海口牛
田三場是也歸併有司計畝徵糧計坵徵稅由縣官

徵解充餉不有商支行引者潯溪泗州涪州惠安肆
場是也在上里海口牛田叁場竈地又有依山附海
之別依山竈田原從民田派出每畝派有鹽折附海
竈地原自竈籍買歸每畝科有本色名雖竈田而上
里竈田即係莆田縣之民田海口牛田竈畝即係福
清縣之民畝民竈雖分田畝實一故竈戶在場則為
竈在縣則為民一田兩差載在廳書查上里等各場
原報遷界外田園地共肆千玖百捌拾壹頃壹拾壹
畝玖分陸厘叁毫貳絲柒忽陸微貳纖除附海應納


本色外內依山應納折銀原遷界外田園地共肆千
肆百捌拾肆頃陸分玖厘捌毫柒絲肆忽陸微貳纖
通共無徵鹽折銀伍千陸百壹拾捌兩柒錢玖分捌
厘捌毫捌絲陸忽貳微茲奉展界康熙玖年分依山
竈戶墾過田地壹拾貳頃貳拾肆畝肆分肆厘陸毫
玖絲柒忽柒微該起科鹽折銀壹拾貳兩伍分叁毫
肆絲柒忽玖微伍纖壹沙捌塵貳埃貳渺伍漠遵叁
年起科之例應於康熙拾貳年徵解又本年附海竈
戶墾過田地共陸頃陸拾伍畝玖分玖厘玖毫陸絲

該起科本色鹽貳拾玖引壹百叁拾肆斤伍兩叁錢柒分柒厘肆毫伍絲叁忽壹微貳纖亦遵例於康熙拾貳年徵收入廠聽候商支又康熙拾年分依山竈戶墾過田地陸頃伍拾壹畝捌分伍毫該起科鹽折銀壹拾肆兩貳錢玖分陸厘肆忽伍微零遵例於康熙拾叁年徵解又本年附海竈戶墾過地畝共壹拾壹頃玖拾叁畝肆分捌厘柒毫該起科本色鹽壹百零貳引叁拾叁斤壹兩貳錢壹分玖厘伍毫捌絲肆忽遵例於康熙拾叁年徵收入廠聽候商支今各場縣原遷竈田懇復無多其餘田地仍在遷棄從前免過無徵銀兩以展界之日為始照額全徵但哀鴻初集責令見在虛賠竊恐荒未得墾熟且拋荒竈折無徵民糧并失惟祈

俯察閩省竈田即係民田竈戶即係縣戶一田兩差惟竈最若今沿海展界墾復民田已體墾荒叁年起科事例竈田似應一例起科徵解至於柒場曬鹽坵埕除泗州涇州惠安叁場原遷界外未復開曬其上里海口牛田叁場見奉開曬坵埕原係辦納本色應商支

買應幫辦課歷來並無坵稅可徵惟潯溪場原准復
曬壹拾叁埕於康熙玖年內墾築共積玖千貳百伍
拾丈伍尺柒寸伍分肆厘鹽不支商原有稅例該起
科坵稅銀肆拾伍兩伍錢貳分貳厘陸毫壹絲肆微
查此項坵稅即係泉州府附徵兵餉項下不係鹽課
額數之內照例起科臣部覆查沿海遷民蠲免菜場鹽
課銀兩並未稱係民地今又稱係照民墾地例徵銀
竈地與民地不同應行該撫確查明白具題再議續
據該撫覆稱竈戶即係縣民竈地即係民地惟民隸
鹽籍者名為竈戶而竈戶買民田者名為竈田照例
納糧於縣之外復納鹽折於場今墾復各場竈地即
係縣冊摘出報墾之民地並無別項鹽田自應遵例
起徵但查鹽折原由於地畝徵輸而鹽田又在於民
田分派向係一田兩賦故民田遷則鹽折亦隨以遷
民田復則鹽折亦隨以復至於潯溪場埕亦屬鹽戶
墾築茲逢展界墾復在民糧既寬叁年起科則鹽戶
似當一例邀

准查康熙玖拾兩年竈戶墾過地畝鹽折銀兩俱照民墾
地叁年後起科至未復竈地應令該撫極力招墾



兼書
畫新

